



Broj:10-05-9 791/ 17
Sarajevo, 17.04.2017.godine

SKUPŠTINA KANTONA SARAJEVO

-Služba za skupštinske poslove-

PREDMET: Odgovor na zastupničko pitanje

Zastupnik Mirza Čelik na 26. Radnoj sjednici Skupštine Kantona Sarajevo, održanoj 22.03.2017 godine, u okviru tačke Dnevnog reda „Zastupnička pitanja, inicijative i odgovori“, u skladu sa Poslovníkom Skupštine Kantona Sarajevo, pokrenuo je zastupničku inicijativu:

„Tražim od Ministarstva zdravstva KS da pokrene izmjene i dopune Uredbe o obimu, uslovima i načinu ostvarivanja prava osiguranih lica na korištenje ortopedskih i drugih pomagala, endoproteza, stomatološko-protetske pomoći i nadomjestaka“.

U vezi s dopisom EHO udruženje za podršku djeci s teškoćama sluha i govora.

U vezi sa postavljenim zastupničkim pitanjem dostavljamo slijedeći:

ODGOVOR

Pravo na ortopedska pomagala za sve osiguranike Kantona Sarajevo prema medicinskim indikacijama regulisan je Uredbom o obimu, uvjetima i načinu ostvarivanja prava osiguranih lica na korištenje ortopedskih i drugih pomagala, endoproteza, stomatološko-protetske pomoći i stomatološko-protetskih nadomjestaka(„Službene novine Kantona Sarajevo“ br: 38/07, 29/08, 40/14). Prema važećoj Uredbi osobe s teškoćama sluha i govora, prema medicinskim indikacijama, a u skladu sa preporukom ljekara specijaliste ostvaruju pravo na: aparat za pojačanje sluha, aparat za omogućavanje glasnog govora, govorna proteza i Kohlearni implantat. Ministarstvo zdravstva Kantona Sarajevo ima dugogodišnju suradnju sa udruženjima koja okupljaju osobe sa invaliditetom sa područja Kantona Sarajevo pod nazivom „Živjeti bez prepreka“. Kao rezultat te saradnje urađen je Akcioni plan u oblasti invalidnosti Kantona Sarajevo 2015.-2017.godinu. Prema ciljevima ovog Akcionog plana planirano je iniciranje donošenja i usvajanje nove Uredbe kojom će se unaprijediti Lista ortopedskih pomagala. S tim u vezi Ministrica zdravstva Kantona Sarajevo je Rješenjem broj: 10-02-10 363/ 17 od dana 15.03.2017. godine imenovala Komisiju za pripremu Prijedloga Uredbe o obimu, uvjetima i načinu ostvarivanja prava osiguranih lica na korištenje medicinskih sredstava u Kantonu Sarajevo. Komisiju čine: član ispred Koordinacionog odbora udruženja osoba sa invaliditetom, dva člana ispred Zavoda zdravstvenog osiguranja Kantona Sarajevo i dva člana ispred Ministarstva zdravstva Kantona Sarajevo.

Zadatak Komisije je priprema Prijedloga Uredbe o obimu, uvjetima i načinu ostvarivanja prava osiguranih lica na korišćenje medicinskih sredstava u Kantonu Sarajevo koja će biti usaglašena sa Akcionim planom u oblasti invalidnosti Kantona Sarajevo 2015.-2017.godine, usvojenog od strane Vlade Kantona Sarajevo, kao i sa Zakonom o lijekovima i medicinskim sredstvima(„Službeni glasnik Bosne i Hercegovine“ broj: 58/ 08);

- uspostavljanje sistema poboljšanja kvaliteta i sigurnosti zdravstvene zaštite, kroz:

- a) utvrđivanje obima prava na korišćenje medicinskih sredstava,
- b) utvrđivanje asortimana medicinskih sredstava,
- c) roka trajanja i medicinskih indikacija za pojedina pomagala i sl.

Komisija je u obavezi uzeti u razmatranje sve zahtjeve i prijedloge dostavljene Ministarstvu zdravstva Kantona Sarajevo kao i Zavodu zdravstvenog osiguranja Kantona Sarajevo kako od strane zdravstvenih profesionalaca tako i od strane udruženja i drugih organizacija, a koji su vezani za ostvarivanje prava osiguranih lica na medicinska sredstva.

S tim u vezi u skladu sa realnim mogućnostima Zavoda zdravstvenog osiguranja Kantona Sarajevo uzet će se u obzir zahtjevi udruženja.

S poštovanjem



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1

